



PARTII INUIT INATSISARTUNI

Partii Inuit

Randi Broberg

UKA 2013/25

13.11.2013

Saqqummiussissut: Kalaallit Nunaanni Imminut Toquttarnerup Pitsaaliornissaanut Nuna Tamakkerlugu Periusissaq 2013-2019

(Peqqissutsimut Attaveqarnermullu Naalakkersuisoq)

Saqqummiussissut

(Peqqissutsimut Attaveqarnermullu Naalakkersuisoq)

Kalaallit Nunaanni Imminut Toquttarnerup Pitsaaliornissaanut Nuna Tamakkerlugu 2013-miik 2019-imut periusissap Kalaallit Nunaanni imminut toquttarnerup siunissami pitsaaliornissaanut Naalakkersuisut saqqummiussaannut soqutiginaratumut Partii Inuit imaattumik oqaaseqassaagut.

INUUNEQ erligisassarput ilaannilu qajannarsisartoq inuunitta naleqassusianik pingaaruteqassusianillu inuiaqatigiittut immitsinnut nukittorsertuarutta naleqarnerulersittuassavarput.

Nikassaaneq, mitalliineq, ingutsineq, qinngarsuinerillu nunatsinni akornatsinni ileqqorluutaaqisut maligassiunnngilluinnarput inuttut ataasiakkaatut nukittunerulernissatsinnut.

Inuttut sanngiillinerup inuunermillu isumaarutsitsinerup naggataagut inuk allamik toqqangassaarutsittoorpaa; tassalu imminut toqunnissamik aaliagertariaqalernermik.

Tamanna alianartoq ilorraap tugaanut saatissinnaavarput uagut politikkeriusugut aamma nunatsinni siuttuusutut maligassiunerulerutta.

Inuiaqatigiit qinertarmatigut maligassiuisooqqulluta.

Taamatut naattumik aallarniuteqarlunga qujassutigissavarput Nalaakkersuisut ataavartumik ukiuni tulliuuttuni suliniuteqarnissaminnut pilersaaruteqarnerannut.

Ajoraluaqisumik pisut pereersut allanngortissinnaaneq ajorpavut, ilinniutigisariaqarpagulli inuunerup alianaqisumik naggaserneqartannginnissaanut suliniuteqartuarnitsigut.

Inuttussuseq eqqarsaatigalugu Kalaallit Nunaat nunarsuarmi imminut toqunermik eqqugaanersat ilaanniittoq oqaatigineqartuarpog tamannalu aatsaat tusalinngilarput.

Tamassumunnga allanngortitserussuseqartariaqarpugut tamatta pimoorutivillugu.

Taamaasiorniaruttali Inuiaqatigiittut aaqqissussaanerput annertuumik aamma allanngortittariaqarparput, siunnerfeqartariaqarpugut ersarissumik inuup kiaangaluartulluunniit nunatsinni inuusup naleqassusianik tamakkiisumik isiginnittaaseqalernitsigut.

Ilanngullugu Partii Inuinit Naalackersuisunut kaammattuutigissavarput inuit imminut toqoriarsimasut annertusisamik ikiorserneqartarnissaannik suliniuteqaqqullugit.

Maluginiakkatta ilagaat Syddansk Universite-tip 2012-ip naalernerani imminut toquttarnerup pitsaaliornissaanik periusissap siuliata nalilersornerata kingorna inassuteqaasiorsimanernit Kalaallit Nunaanni Imminut Toquttarnerup Pitsaaliornissaanut Nuna tamakkerlugu periusissatut siunnersuutigineqartoq aallaaveqartoq.

Tassalu suliniutip inuuneritta-p aamma inuuneritta 2-p malitsigisaringaa.

Qujanarpoq avataaniit suleqatiginnittoqartarnera, tamanna immini ajunngilluinnartuuvoq.

Kisianni aamma nalunaarusiami paasivarput ukiorpassuarni imminut toquttarnek imminulluunniit toqoriartarnerup annertussusaa allanngussanani kisitsisitigut annertuumi inissisimajuaannarsimasoq. Tassalu apeqquuserusunnarsivoq ukiuni arlaqaleqisuni aningaasarpasuit atorlugit suliaqartitsisarsimanerit ilumut iluaqutaasarsimanersut?

Nalunaarusiami takusinnaavarput pissutit allanngortarsimanngitsut, tassalu suliniutaasarsimagaluartut iluaqutaasarsimanersut apeqquterujussuanngorpoq naliliiffigineqaqqittariaqalerpullu aamma.

Apeqqutit imaannaanngitsut Nunatsinni nammineernerulluta ilusilersortariaqarpavut, taakkuugatta immitsinnut periusersassatsinnik tikkuusinissamut ilisimasaqarnerpaasussaasut.

Taamaattumik naggataagut Partii Inuinit sakkortuumik Naalackersuisunut kaammattuutigissavarput nunatsinni imminortarnerup, imminoriartarnerullu annikillisarneqarnissaanut ajornartorsiutip qiterisarpiaa angullugu kingunissalimmik suliniuteqaqqullugit.

Qujanaq

